

- 205 um verður hlutaðeigandi tilkynnt skriflega, hvort hann verður tekinn sem fastur
1. nóv. nemandi og fái greitt kaup (um 80% af verkamannakaupi) meðan á námskeiði stendur, gegn vissum skuldbindingum. Að námskeiði loknu greiðist venjulegt verkamannakaup, þar til námi er að fullu lokið, en síðan sama kaup og símalagn-ingamenn fá.

3. Tengingamenn við húslagnir.

Námið tekur 9 mánuði, þar af 3 mánuði aðallega á námskeiði, en 6 mánuði við verklegt starf. Styttri tími kemur aðeins til greina, þegar hlutaðeigandi hefur áður unnið við sams konar starf.

Námið felur í sér æfingu í lagningu alls konar símatauga innanhúss og lagnir í tækjum, þ. á m. pípulagning, strengjalagning og frágang strengenda, kveiking víra, uppsetning talfæra o. þ. l., einfaldrar prófanir á línunum og talfærum o. s. frv.

Námið hefst á 3 mánaða námskeiði, en að því loknu gengur hlutaðeigandi undir próf, og ef hann stenzt það, heldur hann áfram náminu við verklegt starf í 6 mánuði og telji verkstjórar hans, að því loknu, hann hafa leyst það af hendi á viðunandi hátt, mun póst- og símamálastjórnin viðurkenna hann sem fullgildan tengingamann við þessar lagnir.

Fyrsti $\frac{1}{2}$ mánuður námskeiðsins er kauplaus reynslutími, en að honum loknum verður hlutaðeigandi tilkynnt skriflega, hvort hann verður tekinn sem fastur nemandi og fái greitt kaup (um 80% af verkamannakaupi) meðan á námskeiði stendur, gegn vissum skuldbindingum. Að námskeiði loknu greiðist venjulegt verkamannakaup, þar til námi er að fullu lokið, en síðan sama kaup og símalagn-ingamenn fá.

Póst- og símamálastjórnin, 1. nóvember 1947.

Guðmundur Hlíðdal.

Einar Pálsson.

206
6. nóv.

JARÐRÆKTARSAMÞYKKT

fyrir Ræktunarfélag Eyrbyggja.

I. KAFLI

Takmörk samþykkartarsvæðis og markmið.

1. gr.

Samþykkartarsvæðið nær yfir Stokkseyrarhrepp hinn forna í Árnessýslu — Búnaðarfélag Eyrarbakkahepps og Búnaðarfélag Stokkseyrarhepps.

2. gr.

Ræktunarfélagið tekur að sér á þann hátt, sem fyrir er mælt í samþykkt þessari, eftirgreind verkefni á öllum jörðum á félagssvæðinu, að undanskildum þeim, er falla undir ákvæði VI. kafla jarðræktarlaganna, nr. 54 4. júlí 1942, um búferlaflutning:

1. Að framkvæma jarðvinnslu á tünun jarða á félagssvæðinu, sem ekki eru vél-tæk. Nær það til plægingar, herfingar og jöfnunar landsins.
2. Að taka að sér jarðvinnslu til nýræktar túna eða garða. Nær það til fullnaðarvinnslu landsins á sama hátt og gert er ráð fyrir í síðustu málsgrein undir 1. lið.
3. Verksvið félagsins má færa út, ef ástæður leyfa, þannig að það nái einnig til framræslu og annarra ræktunarstarfa, er henta þykir.

Allar framkvæmdir samkvæmt lið 1—3 skulu gerðar eftir fyrirsögn Búnaðar-
félags Íslands.

206
6. nóv.

II. KAFLI

Skipun og verksvið framkvæmdastjórnar.

3. gr.

Stjórnir hreppabúnaðarfélaganna mynda fulltrúaráð fyrir ræktunarfélagið. Fulltrúaráðið kys ræktunarfélaginu tveggja manna framkvæmdastjórn, einn mann úr hvorum hreppi til eins árs í senn, og skal annar þeirra vera formaður. Stjórnarnefndarmenn má endurkjósa. Fulltrúaráðsfundur er lögmætur, ef mættir eru 2 menn úr hvoru búnaðarfélagi.

4. gr.

Stjórn ræktunarfélagsins annast kaup á nauðsynlegum jarðvinnsluvélum, en skylt er henni, sbr. 8. gr. laga um jarðræktar- og húsagerðarsamþykktir í sveitum, að hafa samráð við verkfæranefnd ríkisins um kaup og val vélanna.

5. gr.

Stjórnin sér um kaup á öllu því, er með þarf til reksturs og viðhalds þeim vélum og áhöldum, er keypt verða.

6. gr.

Stjórnin annast um allan rekstur vélanna. Henni ber að gera og undirrita alla verktökusamninga, við hina einstöku framkvæmdaaðila á félagssvæðinu, og ákveður á hverjum tíma og í hvaða röð verkefni eru tekin, sem unnið skal að.

7. gr.

Stjórnin ræður starfsmenn og ákveður launakjör þeirra. Heimilt er stjórninni að ráða framkvæmdastjóra til eins árs í senn, getur hún falið honum framkvæmdastjórn um daglegan rekstur og umsjón með verkstjórn vinnuflokka, með erindisbréfi.

8. gr.

Allir samningar, er stjórnin og framkvæmdastjóri gera fyrir hönd ræktunarfélagsins, samkvæmt samþykktum þessum eða ályktunum aðalfunda, eru skuldbindandi fyrir félagsheildina og hreppabúnaðarfélögin, er að samþykkt standa, án þess að það hafi verið sérstaklega undir þá borið. Stjórn og framkvæmdastjóri bera ábyrgð gerða sinna fyrir aðalfundi ræktunarfélagsins.

III. KAFLI

Um tilhögun framkvæmda.

9. gr.

Skylt er stjórnnum hreppabúnaðarfélaganna, hvorri á sínu svæði, fyrir janúarlok ár hvert að skrá verkbeiðni félagsmanna. Skal þar tilgreint hverjar jarðabætur óskað er að unnar séu á því ári, svo og verkmagn þeirra. Skýrslum þessum ber að skila til framkvæmdastjórnar eigi síðar en 1. febrúar ár hvert.

Skýrslunni fylgi frá verkkaupendum greiðsluskuldbinding hvers fyrir sig, og enn fremur yfirlýsing félagsstjórnar hreppabúnaðarfélagsins að það takist á hendur ábyrgð á greiðslum sinna félagsmanna fyrir þau verk, sem hjá þeim verða unnin á því starfsári.

206

6. nóv.

Að fengnum þeim skýrslur, er um ræðir í 9. gr., ber framkvæmdastjórn ræktunarfélagsins að semja starfs- og rekstraráætlun fyrir yfirstandandi ár. Rísi ágreiningur innan ræktunarsambandsstjórnar um veigamikil atriði framkvæmdaáætlunar, ber að leggja hana fyrir aðalfund ræktunarfélagsins til samþykktar.

Framkvæmdastjórn er skylt að framfylgja samþykkttri starfsáætlun eftir því, sem við verður komið.

10. gr.

Við allan undirbúning framkvæmdaáætlunar sé þess sérstaklega gætt:

1. Að þær jarðir, sem minnst véltækt land hafa, sitji fyrir vinnu, eftir því sem við verður komið, án þess að valda óhæfilegum aukakostnaði í flutningi véla og verkfæra;
2. að túnasléttun að öðru jöfnu sé látin sitja fyrir öðrum ræktunarframkvæmdum;
3. að land það, sem brjóta á til ræktunar, hafi verið ræst fram á fullnægjandi hátt, að dómi trúnaðarmanns Búnaðarfélags Íslands.

IV. KAFLI

Um verðlagsákvarðanir og greiðslu kostnaðar.

12. gr.

Heimilt er framkvæmdastjórn, á þeim tíma, sem ekki er unnt að vinna að jarðvinnslu fyrir samþykktarfélag, að taka að sér verkefni fyrir búendur, hreppsfélag eða aðra.

13. gr.

Verktaxta skal miða við tímaeiningu og skal haga þeim svo, að greiddur fáiast allur kostnaður við rekstur fyrirtækisins og að auki safnist með eðlilegum hraða sjóður til endurnýjunar vélanna.

14. gr.

Ræktunarfélagið myndar stofnsjóð til vélakaupa. Stofnfjárhæð hans er 30 þús. krónur.

Tekjur stofnsjóðs eru:

Hreppabúnaðarfélagin leggja fram sem óafturkræft framlag kr. 15000.00 hvort félag á ræktunarsamþykktarsvæðinu. Móti þessu stofnfé kemur framlag framkvæmdasjóðs ríkisins samkvæmt ákvæðum 9. gr. laga um jarðræktar- og húsagerðarsamþykktir í sveitum, jafnóðum og það greiðist sem styrkur til vélakaupa félagsins.

15. gr.

Stofnfjárframlag hreppabúnaðarfélaganna greiðist inn til sambandsstjórnar, þá er samþykkt þessi hefur öðlzt gildi.

16. gr.

Komi í ljós síðar, að álitu framkvæmdastjórnar, að auka þurfi stofnsjóð, ber henni að gera rökstuddar tillögur um stofnfjárauðninguna til hreppabúnaðarfélaganna fyrir aðalfund þeirra.

Ef meiri hluti fulltrúa á aðalfundi ræktunarfélagsins, að fengnum meiri hluta samþykki í hreppabúnaðarfélagunum, ákveður stofnfjárauðningu, er hún bindandi fyrir hreppabúnaðarfélagin.

V. KAFLI

Um reikningshald og endurskoðun.

206

6. nóv.

17. gr.

Reikningsár félagsins er almanaksárið og skal reikningsskilum lokið svo snemma, að endurskoðun geti farið fram áður en aðalfundur ræktunarfélagsins er haldinn. Skulu endurskoðendur sannprófa, að reikningum beri saman við bækur framkvæmdastjórnar. Aðalfundur skal haldinn fyrir lok marzmánaðar ár hvert.

18. gr.

Endurskoðendur séu tveir kosnir á aðalfundi ræktunarfélagsins til eins árs í senn. Þeir skulu kynna sér reikningana sem bezt, og hafa eftirlit með starfrækslu framkvæmdastjórnar í hvívetna.

19. gr.

Endurskoðaðir reikningar skulu lagðir fram til samþykktar á aðalfundi ræktunarfélagsins, en áður skulu þeir hafa verið til umræðu innan hreppabúnaðarfélaganna, þar gefur framkvæmdastjórn skýrslu um starfsemina, svo og endurskoðendur, ef tilefni er til þess.

VI. KAFLI

Um breyting samþykta og hvernig samþykkt verði úr gildi felld.

20. gr.

Tillögur, er fram kunna að koma til breytinga á samþykkt þessari, frá einstökum hreppabúnaðarfélögum eða framkvæmdastjórn, skulu lagðar fyrir aðalfund ræktunarfélagsins. Samþykki löglegur aðalfundur breytingarnar með að minnsta kosti $\frac{3}{5}$ atkvæðisbærra fulltrúa, skal stjórn félagsins senda breytingarnar Búnaðarfélagi Íslands, er leitar staðfestingar landbúnaðarráðherra á þeim.

21. gr.

Samþykktir þessar má því aðeins nema úr gildi, að rökstutt álit meiri hluta samþykktaraðila liggi fyrir um, að tilgangi samþykktarinnar verði ekki náð, og lögmætur aðalfundur ræktunarfélagsins samþykki það með að minnsta kosti $\frac{3}{5}$ atkvæðisbærra fundarmanna, enda komi samþykki landbúnaðarráðherra til.

22. gr.

Með brot á samþykkt þessari skal farið sem almenn lögreglumál.

23. gr.

Samþykkt þessi gengur í gildi er hún hefur verið staðfest af landbúnaðarráðherra.

Samþykkt þessi, sem er sett samkvæmt lögum nr. 7 12. janúar 1945, um jarðræktar- og húsagerðarsamþykktir í sveitum, og reglugerð um jarðræktarsamþykktir frá 20. febrúar 1946, staðfestist hér með til að öðlast gildi þegar í stað og birtist til eftirbreytni öllum þeim, er hlut eiga að máli.

Landbúnaðarráðuneytið, 6. nóvember 1947.

Bjarni Ásgeirsson.

Árni G. Eylands.